



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1729. usque ad annum 1731

Fleury, Claude

August. Vind. [u.a.], 1785

VD18 13322648

§. 13. Parisiensis Parlamenti edictum circa temporalem Regis potestatem.

[urn:nbn:de:hbz:466:1-67677](https://nbn-resolving.org/urn:nbn:de:hbz:466:1-67677)

ne deinceps se in Religionis controversi-
 as ingereret, rursus severissimo edicto
 die trigesima Julii inhibuit, decem vero
 ex illis Advocatis, qui Parisiensem Ar-
 chiepiscopum probroso scripto impetie-
 rant, exilio, multavit.

Sæc. XVIII.
 A. C. 1731.

§. XIII.

*Parisiensis Parlamenti edictum circa
 temporalem Regis potestatem.*

Hac severitate Parisiense Parlamen-
 tum adeo non terrebatur, ut etiam
 eadem adhuc die edictum Ecclesiæ Mi-
 nistris valde injuriosum promulgare
 præsumeret; iniquissimo enim ferebat
 animo, quod imposita silentii lege fal-
 cem in Sacram messem mittere, &
 Sanctuarii jura sibi arrogare prohibe-
 retur. Percipiamus ergo præcipuos
 hujus edicti articulos: Declarabat I.
 quod temporalis potestas immediate a
 Deo solo & a nulla alia potestate de-
 pendeat, nec ab ulla alia directe aut
 indirecte restringi queat. II. Quod
 Ecclesiæ Ministri, sub quocunque, e-
 tiam cujusdam doctrinæ, prætextu li-
 mites inter Sacram & profanam pote-
 statem a Deo præfixos transgredi aut
 interpretari non præsumant, & quod
 Canones, & Ecclesiæ Constitutiones
 non aliter vim legis Regni obtineant,
 nisi

Sæc. XVIII. nisi in quantum Regia auctoritate
 A. C. 1731. matæ sunt. III. Quod profanæ potestati ac jurisdictioni competat eadem vim adhibere, & Regis subire coercere. IV. Ecclesiæ Ministri Regis & in *casu abus* de jurisdictionis exercitio necnon de potestate judicium quam a Rege acceperunt, imo etiam in ipso potestatis sibi a Deo concessu usu, quidpiam communi tranquillitati aut fundamentalibus Regni legibus & statutis noxium deprehenderit, Parlamento sub Regia auctoritate rationem reddere teneantur. V. Quod decreta edicta, & sanctiones circa ejusmodi leges a Parlamento auctoritate Regis sancitæ, debita forma integra promulgentur. VI. Quod nullus, cujusque que status aut dignitatis directe aut indirecte quasdam doctrinas hisce regulis adversas proferre, scribere aut docere præsumat, sub severissimis poenis Cum autem Parlamentum hoc edicto sibi leges & statuta, quorum explanationem ipsemet Rex sibi restituerat, condendi auctoritatem arrogaret, eapropter Regius Senatus modo ipsius edictum omnino nullum esse declaravit, illudque ex Parliamentariis tabulis eradi præcepit, sed insuper etiam quosdam Parlamenti Deputatos Versalias ex Regis jussu citavit, ibidem

ibidem temeritatem suam severæ re-
prehenſionis pœna luerent.

Sæc. XVIII.
A. C. 1731.

§. XIV.

*Montpeſſulani Episcopi edictum a Cle-
mente XII. Papa damnatum.*

Jam anno priori Capitulum Cathed-
rale & Canonici, aliique Ecclesia-
fici Ecclesiæ Montispeſſulanæ publica
solemnique formula Constitutionem
Unigenitus sincero animo receperant:
Inde vero Carolus Colbert de Croisy
Montpeſſulanus Episcopus, juratus hu-
jus Bullæ hostis tam impotenti exarſe-
rat ira, ut promulgato edicto hunc sub-
jectionis actum non modo damnaret,
sed etiam suis fidelibus prohiberet, ne
ipso inconsulto præfatæ Constitutioni
se subjicerent. Hæc ubi intellexerat
Clemens Papa, hujus Episcopi edictum
proscripsit die decima septima Augusti
edita desuper Constitutione sequenti:
„Quamvis jamdiu in animæ nostræ
„amaritudine intelleximus, Carolum
„Joachimum Episcopum Montispeſſu-
„lanum, animo sanæ Doctrinæ, ac Ec-
„clesiasticæ unitati infensissimo, mani-
„feste refragari Constitutioni se. me.
„Clementis P. P. XI. Prædecessoris No-
„stri, quæ incipit: *Unigenitus Dei Fi-*
„lius &c. Anno Incarnationis Domi-
„nicæ